



# Deddf Addysg (Cymru) 2014

2014 dccc 5

## RHAN 2

### Y GWEITHLU ADDYSG

#### *Swyddogaethau disgyblu'r Cyngor*

#### **27 Swyddogaethau disgyblu: dehongli**

(1) At ddibenion adran 26—

mae “person cofrestredig” yn cynnwys—

- (a) person a oedd wedi ei gofrestru ar adeg unrhyw ymddygiad neu drosedd honedig (p’un ai o dan adran 9 neu o dan adran 3 o Ddeddf 1998), a
- (b) person sydd wedi gwneud cais i gael ei gofrestru felly;  
ystyr “trosedd berthnasol”, mewn perthynas â pherson cofrestredig, yw—
  - (a) mewn achos o gollfarn yn y Deyrnas Unedig, trosedd ac eithrio un nad oes ganddi berthnasedd o bwys i addasrwydd y person i fod yn berson cofrestredig yn y categori cofrestru perthnasol;
  - (b) mewn achos o gollfarn yn rhywle arall, trosedd a fyddai, pe bai wedi ei gyflawni yng Nghymru a Lloegr, yn drosedd fel y’i crybwyllir ym mharagraff (a).

(2) Yn y Rhan hon, ystyr “gorchymyn disgyblu” yw—

- (a) cerydd;
- (b) gorchymyn cofrestru amodol;
- (c) gorchymyn atal dros dro;
- (d) gorchymyn gwahardd.

(3) Pan fo rheoliadau o dan baragraff 12(1)(b) o Atodlen 1 yn ei gwneud yn ofynnol i’r Cyngor sefydlu pwyllgor at y diben o gyflawni unrhyw un neu ragor o’r swyddogaethau a roddir i’r Cyngor o dan adran 26, mae cyfeiriadau yn yr adran honno at y Cyngor i’w dehongli yn gyfeiriadau at y pwyllgor hwnnw.